



故宮珍本叢刊

欽定內務府則例二種

第二冊 共五冊

故宮博物院編 海南出版社

故宮珍本叢刊第 307 册清代則例

故宮博物院編

欽定總管內務府 現行則例二種

第二册(共五册)

海南出版社



圖書在版編目(CIP)數據

欽定國子監志/(清)李宗昉等修。—影印本。—海口:海南出版社,2000.6

(故宮珍本叢刊)

本書與“欽定宗人府則例/(清)宗人府纂”等 55 種書合訂

ISBN 7-80645-666-X

I. 欽… II. 李… III. 法規—彙編—中國—清代 IV. Z121.7

中國版本圖書館 CIP 數據核字(1999)第 68754 號

故宮珍本叢刊第 307 冊

清代則例

欽定總管內務府現行則例二種

第二冊(共五冊)

故宮博物院編

責任編輯:李升召

*

海南出版社出版發行

海南省海口市金盤開發區建設三橫路 2 號 郵政編碼:570216

湖南省新華印刷三廠印刷

湖南省長沙市韶山路 158 號 郵政編碼:410004

本書正文用紙由金城造紙(集團)有限責任公司生產

*

2000 年 6 月第 1 版 2000 年 6 月第 1 次印刷

開本:787×1092 毫米 1/16 印張:26.75 印數:1-400 冊

ISBN 7-80645-666-X/Z·154

定價:10760 元(清代則例 56 種共 66 冊)

本書如有印裝質量方面問題請與我社或承印廠聯係
我社為本書每冊(種)書新編的目錄均置於每冊書末

欽定總管內務府現行則例目錄

慶豐司 卷二

添裁牧羣員役

牛羊羣員役俸餉

牛羣交送官物事宜

三旗牛羊羣額數

牛羊變價

倒斃牛羊皮張

遊牧處剪取羊毛

達里崗崖羊羣額數

達里崗崖牧羣添裁員役

達里崗崖羊羣員役俸餉

牛羊羣補放官員

牛羊羣紙張筆墨

交納馬駒事宜

口外莊頭備養乳牛

查覈烏拉孳生牛隻

遊牧處設倉事宜

養什牧建設牛羣事宜

分設祭祀應用黑牛牧羣事宜

均查三旗牛羊羣賞罰

均查達里崗崖羊羣賞罰

鑄給牧羣總管副總管關防

盛京設立黑牛羣

設立駝馬

添設駝馬

移會事宜

裁撤書吏

欽定總管內務府現行則例

慶豐司 卷二

添裁牧羣員役

張家口外遊牧處三旗牛羊羣每十羣設十羣

長一員每羣設牧丁二名原設牛羣十羣長十

九員牧丁三百九十六名羊羣十羣長二十四

員牧丁四百八十名 康熙二十三年十二月

奏准添設牛羣十羣長四員牧丁八十四名羊

羣十羣長十二員牧丁二百四十名 三十三

年七月奏准添設管理牛羣協領三員筆帖式

六員管理羊羣協領三員筆帖式六員牛羊羣

每五羣各設領催一名牛羣領催四十六名羊

羣領催七十二名 三十八年閏七月奏准添

設牛羣十羣長二員領催四名牧丁四十名

四十二年正月奏准添設牛羣牧丁六名羊羣

十羣長九員領催十八名牧丁一百八十二名

四十四年十一月議覆奏准添設牛羣十羣

長二員領催四名牧丁四十四名羊羣十羣長

十員領催二十名牧丁一百九十八名 雍正

十年五月辦理軍機事務大臣議覆奏准牛羊

羣各添設委署協領六員 乾隆二十一年二

月據管理張家口外三旗牛羊羣總管處咨上

年十月奏准於鑲黃旗羊一百八十羣內撥出

五十羣移於達里崗崖交該處翼領等管轄牧

放所有該羣十羣長五員領催十名牧丁一百

名隨羣一併移往該處應差本旗羊羣員役數

內應將此項十羣長領催牧丁若干開除 二

十三年七月本府議覆奏准查張家口外三旗

遊牧處牛羊牧羣有副總管二員協領六員委

署協領十二員伊等仍令管理二翼三旗外此

項牛羊牧羣每羣設牧長一員牧副一名牧丁

六名將現今所設之十羣長俱改為牧長其不

足之牧長於領催內揀選補放其餘領催改為
 牧副其不足之牧副由現今應裁牧丁內揀選
 補放仍食原餉其餘牧丁除撥給達里崗崖羊
 羣應役外仍多二十名俟缺出裁汰 三十二
 年二月本府奏准三旗牛羊羣原設効力筆帖
 式二員應行裁汰由本處蒙古等內選擇能書
 清文者令其辦事 是年八月管理察哈爾八
 旗大臣奏准三旗六十牛羣錄黃旗仍留二十
 羣外正黃正白二旗每旗各減十羣添設羊二
 十羣將裁汰二十牛羣人等即轉補新添羊羣
 俟伊等還項完結仍食整分錢糧 三十六年
 十月軍機處議覆奏准查張家口外遊牧處錄
 黃旗原有羊四十羣正白旗原有羊七十羣內
 除
 賞給圖爾古特羊隻外將現有羊隻數目覈計錄
 黃旗應裁汰十羣正白旗應裁汰三十四羣應

裁牧長四十四名牧副四十四名牧丁二百六
 十四名應將此項應裁牧長牧副牧丁等分給
 各羣兼羣行走視其缺出陸續裁汰數年之後
 各羣羊隻孳生若多添羣之時即將此項裁汰
 人等挑取 五十八年十二月大學士領侍衛
 內大臣詳議奏准請嗣後馬駝羣總管牛羊羣
 副總管內果有當差勤謹之人如遇察哈爾八
 旗叅領缺出即將馬駝羣四品總管歸應陞人
 等內揀選如遇察哈爾八旗佐領缺出即將牛
 羊羣五品副總管歸應陞人等內揀選陞用

牛羊羣員役俸餉

康熙三十年二月奏准張家口外遊牧處三旗

牛羊羣十羣長每月給食錢糧銀二兩領催牧

丁每月各給食錢糧銀一兩

不隨米石

雍正九年

八月議覆奏准張家口外遊牧處三旗牛羊羣

副總管如係由六品協領補授者定為五品

十年四月遵

旨張家口外遊牧處三旗牛羊羣協領凡由察哈爾蒙

古補投現食半俸者俱給食全俸凡三旗牛羊

羣委署協領仍照十羣長例每月給食錢糧銀

二兩 乾隆元年十一月總理事務王大臣議

覆奏准張家口外遊牧處三旗牛羊羣効力筆

帖式每月給食錢糧銀二兩凡由京城補放牛

羊羣官員筆帖式等所食俸餉俱於該佐領下

自行領取由遊牧處補放牛羊羣官員牧丁等

應領俸餉每年二月據該總管咨文呈明移咨

戶部令該處官員赴部領取所領銀兩送至張

家口應用車四輛併沿途護送綠旗官兵呈明

移咨兵部撥給

牛羣交送官物事宜

每年張家口外遊牧處三旗牛羣交送乳油一萬一百二十二斤十二兩大乳餅四千四百十七斤八兩蒙古乳餅一百五十八斤二兩乳酒四千九百二十七斤八兩據該總管咨文轉咨膳房交納 康熙四十四年十一月奏准每年三旗牛羣交送乳油等物來京駕車牛隻自到京之日起每隻每日給草二束移付會計司給發回程時自京城至張家口每隻每日給草一束移咨戶部領給信票按站支取 雍正九年十月據膳房總管咨文三旗牛羣應交大乳餅嗣後每年祇令交送一千斤其餘暫停交送如不敷用再行咨取

三旗牛羊羣額數

初張家口外遊牧處牛羊羣每年春秋二季查看三年一次派員清查孳生牛羊數目奏明分羣牧養議行賞罰原設牛一百九十八羣羊二百四十羣歷經該都統按照年限奏請添減分羣今現定額設牛共四十羣內鑲黃旗牛十四羣正黃旗牛十三羣正白旗牛十三羣嘉慶二十年七月經察哈爾都統均齊牛羊羣奏准各分給牛三百頭二羣各分給牛二百九十一頭十一羣各分給牛二百九十頭二十七羣三旗額設羊共一百四十羣內鑲黃旗羊四十羣每羣羊一千七十一隻正黃旗羊五十羣每羣羊一千七十一隻正白旗羊五十羣每羣羊一千七十一隻牛羣六年一次

奏請派員清查羊羣三年一次

奏請派員清查將孳生數目奏明分羣牧放議行

賞罰

牛羊變價

初張家口遊牧處三旗牛羊羣內所有齒老殘疾及餒養不肥牛羊該總管查明具奏到日移咨吏部除派官員前往張家口外變賣其變價牛羊所得銀兩數目該員自行奏

聞交納廣儲司 康熙五十年六月議覆奏准三旗

遊牧處額外孳生牛羊併齒老殘疾餒養不肥

牛羊每年該都統交多倫諾爾同知變價其變

價銀兩該處照例解交廣儲司

倒斃牛羊皮張

雍正四年八月戶部會同內務府議覆奏准每
 年遊牧處所交牛羊皮張停止派員帶領領催
 匠役往張家口揀選交張家口稅務監督會同
 牛羊羣總管揀選堪用者令該監督運送至京
 應用 是年十月該總管奏請嗣後應用皮張
 仍照從前之例令該庫庫官帶領匠役至張家
 口揀選奉

旨著停派官員匠役仍令該總管會同稅務監督量一
 年足用揀選好者交送欽此每年額交武備院牛皮
 三百張小牛皮一千五百張牛犢皮二百張每
 年所交羊皮視其倒斃之多寡揀選好者交送
 無定額 五年八月奏准嗣後張家口外遊牧
 處每年倒斃牛羊皮張令牛羊羣總管副總管
 等會同張家口稅務監督照所定數目揀選交
 該監督運送至京應用餘剩羊皮賞給看守牧

羣之窮苦蒙古等牛皮交監督按時價變賣所
 得銀兩數目奏

聞交納廣儲司其倒斃牛羊皮張內如牛皮朽爛五
 張羊皮朽爛八張者牧丁責十鞭領催責八鞭
 十羣長責五鞭加一倍者按數遞加鞭責其鞭
 責不過一百如牛皮朽爛至二百張羊皮朽爛
 至八百張者將該管總管副總管有品級翼領
 協領等各罰俸六箇月無品級協領鞭責三十
 加一倍者有品級人等各罰俸一年無品級協
 領鞭責五十如更加一倍者有品級人等各降
 一級無品級協領鞭責六十每年將朽爛皮張
 數目令該總管會同張家口稅務監督詳查呈
 報內務府照例治罪 乾隆五十五年十一月
 察哈爾都統烏爾圖那遜奏准嗣後每年三旗
 羊羣倒斃羊皮停其賞給蒙古等亦停其運京
 交納內庫照依達里崗崖將羊皮換買羊隻之

例換買羊隻歸羣牧將換買過羊隻數目仍
報該衙門查對

遊牧處剪取羊毛

凡張家口外遊牧處三旗羊羣每年春秋二季
剪取黑白羊毛牛羊羣總管副總管等會同張
家口稅務監督秤驗挑選交該監督運送至京
交納武備院 乾隆十五年九月議覆奏准從
前張家口外三旗羊羣每年所交武備院羊毛
因無定額是以每年所交數目未能畫一行令
該總管詳細確查定擬今據該總管將每年春
秋二季應行剪取羊毛交納數目酌定呈報查
京城慶豐司屬豐臺六圈羊隻每年春季每隻
得毛九兩十兩不等秋季每隻得毛七兩八兩
不等惟是張家口外遊牧處地方寒冷霜雪過
多其剪取羊毛難以京城所得數目比較應如
該總管所請嗣後每年春季將二歲以上無論
驢母殘老每羊一隻剪取毛六兩新生羊羔每
隻剪取毛二兩秋季除齒老殘疾生羔母羊並

新生羊羔不行剪取外其二歲以上羊每隻剪
 取毛五兩交納仍飭交該總管每年將春秋二
 季所有羊隻數目及交過羊毛數目造具清冊
 呈報交該司詳細查覈如於定額缺少將該總
 管副總管協領等分別叅處 三十二年正月
 本府議覆奏准嗣後張家口外遊牧處交送羊
 毛令其停止每羊毛四十六斤折交羊一隻由
 張家口總管等覈計羊毛數目折交羊一千五
 百餘隻入羣孳生所得孳生年終造冊呈送內
 務府查覈著武備院豫定一年應用羊毛數目
 行文張家口稅務監督按時價採買運交該院
 亦毋庸派員前往其採買羊毛運送車價暨繩
 斤等項銀兩由餘銀內據實覈銷

達里崗崖羊羣額數

康熙三十九年三月

上駟院等衙門遵

旨議覆奏准由張家口外遊牧處三旗羊羣撥羊一萬

隻於達里崗崖分為三十羣設員管理牧養孳

生其一年兩次查看三年一次分羣及議行賞

罰之處俱照三旗牛羊羣之例仍隸三旗牛羊

羣總管統轄恩經該都統按照年
限奏請添減分羣今現定張家

口外達里崗崖額設羊八十羣嘉慶二十年七

月經察哈爾都統均齊羊羣奏准羊八十羣每

羣羊一千七十隻牧放孳生三年一次清查孳

生數目奏明分羣牧放及議行賞罰俱照三旗

羊羣之例辦理

達里崗崖牧羣添裁員役

康熙三十九年三月

上駟院等衙門遵

旨議覆奏准於達里崗崖立羊羣三十羣牧放設翼領

一員筆帖式一員十羣長三員領催六名牧丁

六十名仍隸張家口外三旗牛羊羣總管統轄

四十二年九月議覆奏准添設候缺筆帖式

一員十羣長三員領催六名牧丁六十名 四

十五年十一月奏准添設十羣長五員領催十

名牧丁一百名 四十八年八月奏准添設筆

帖式一員十羣長七員領催十四名牧丁一百

四十名 雍正七年六月呈准添設委署翼領

二員 十年五月辦理軍機大臣議覆奏准達

里崗崖羊羣俱行裁汰其翼領至牧丁等員役

俱著歸於三旗牛羊羣應差行走 乾隆元年

九月總理事務王大臣議覆奏准達里崗崖立

羊羣九十羣復設翼領一員委署翼領二員筆

帖式二員十羣長九員領催十八名牧丁一百

八十名 六年十二月議覆奏准達里崗崖羊

羣內孳生羊隻分設二十羣應添十羣長二員

領催四名牧丁四十名除儘將防守牧羣兵弁

內項補兼役外其不敷牧丁由遊牧處幼丁內

挑補 二十一年十一月管理張家口外三旗

牛羊羣總管處奏准將達里崗崖現有羊一百

六十羣裁汰二十羣所有該羣護軍兼十羣長

二員護軍兼領催四名護軍兼牧丁四十名毋

庸兼羣俱令專捕盜賊 二十三年七月本府

議覆奏准達里崗崖管理羊羣事務現有翼領

一員委署翼領二員仍令照舊管理外此項羊

羣設牧長一員牧副一名牧丁六名將現今所

設之十羣長俱改為牧長其不足之牧長由本

處及三旗牛羊羣領催內揀選好者補放其應

添設之牧副由本處及三旗牛羊羣牧丁內揀
選好者補放仍食原餉其不足之牧丁即由三
旗牛羊羣應裁汰之牧丁內撥給充補 三十
六年十月軍機處議覆奏准達里崗崖原有羊
五十羣內除

賞給圖爾古特羊隻外將現有羊隻數目覈計達
里崗崖應裁汰二十羣應裁牧長二十員牧副
二十名牧丁一百二十名此項牧羣人等雖應

裁汰但牧羣人等有應賠虧缺羊隻價銀若俱
行裁汰則蒙古等生計實屬艱難應將此項應
裁牧長牧副牧丁等分給各羣兼羣行走視其
缺出陸續裁汰數年之後各羣羊隻孳生若多
添羣之時即將此項裁汰人等挑取 五十三
年十一月經察哈爾都統烏爾圖那遜等奏准
嗣後三旗牛羊羣其鍊黃正黃二旗牛羊羣請
奏派察哈爾總管一員兼管其正白旗牛羊羣

亦請奏派察哈爾總管一員兼管其達里崗崖
羊羣請奏派達里崗崖駝馬羣總管一員兼管
原三旗副總管二員達里崗崖翼領一員仍留
該旗隨同各兼管總管管理羣牧查察哈爾總
管係正三品駝馬羣總管係正四品若屬牛羊
羣四品總管管轄似不相宜請將由京補放總
管額缺裁汰其總管關防一顆難與兼管總管
三員分掌請將總管關防送部銷毀兼管總管
三員遇有應報事務即各用該總管關防遇有
應行應報各衙門事務仍照舊例咨報慶豐司
鈐用都統印毋庸另換給關防如遇齊羣年分
議敘賞罰其兼管總管亦照原管牛羊羣總管
例議敘賞罰其掌管牛羊羣事務請照
上駟院太僕寺之例請由慶豐司派主事一員筆
帖式一員隨同辦事亦照

上駟院太僕寺之例毋庸動用正項於牛羊羣滋

生利銀內主事得給養廉銀二百兩筆帖式得

給養廉銀一百兩其兼管三旗牛羊羣之察哈

爾總管兼管達里崗崖羊羣之駝馬羣總管請

於太僕寺地租銀內各添給養廉銀一百兩再

查牛羊羣總管每年所進獻燠豬乳餅等物敬

謹備辦進獻 五十三年十二月經本府奏准

經管理察哈爾八旗都統烏爾圖那遜等奏將

張家口三旗牛羊羣總管額缺裁汰著察哈爾

總管兼管由慶豐司除派主事一員筆帖式一

員前往辦理牛羊羣事務等因具

奏今揀選慶豐司主事一員筆帖式一員前往張

家口辦理牛羊羣事務五年期滿如無事故即

照

上駟院之例帶領引

見主事陞授員外郎筆帖式陞授主事主事仍行回

該處再五年滿時照例陞用 嘉慶四年七月

都統博興等奏准由牛羊羣副總管內揀選才

能者放為四品總管一員總司牛羊羣事務其

三處總管即行停其兼攝 九年六月經軍機

大臣議覆奏准內務府奏請將張家口值年主

事改設為六品職銜委署主事五年期滿來京

引

見以主事陞用其筆帖式一員五年期滿來京引

見即陞授該處值年六品職銜委署主事回任再滿

五年期滿用主事應如所奏辦理嗣後於派員更

換時應遴選歷俸三年以上之筆帖式奏派前

往此項委署主事五年期滿帶領引

見奉

旨後遇有內務府主事缺出即行補用

達里崗崖羊羣員役俸餉

康熙三十九年五月奏准補放達里崗崖羊羣

翼領令以原品管理仍食原俸十羣長蒙古筆

帖式領催牧丁等照張家口外遊牧處三旗牛

羊羣例十羣長每月給食錢糧銀二兩蒙古筆

帖式領催牧丁每月各給食錢糧銀一兩 雍

正七年三月奏准達里崗崖羊羣翼領由無品

級委署翼領補放者定為六品食三十兩俸銀

是年六月呈准達里崗崖羊羣由十羣長委

署翼領俱令出缺不行兼管十羣長事務仍照

十羣長例每月給食錢糧銀二兩 十年四月

遵

旨達里崗崖羊羣現食半俸翼領給與全俸凡翼領至

牧丁等所食俸餉每年二月據三旗牛羊羣總

管咨文呈明移咨戶部令該處官員赴部領取

牛羊羣補放官員

乾隆九年正月經內閣議覆奏准嗣後張家口

外管理三旗牛羊羣副總管缺出停其於各部

院衙門出過稅差家道殷實官員內揀選補放

交該總管於彼處牧羣蒙古官員內揀選善於

管轄諳練遊牧之員送京帶領引

見補授令其分翼各管羣牧仍兼緝捕盜賊責任

二十七年十一月本府奏請今張家口外牛羊

羣所懸副總管並協領護軍校員缺將擬正擬

陪之人帶領引

見併將補放協領護軍校擬陪之人應否記名之處

一併請

旨嗣後凡奉

旨記名之人視有缺出毋庸來京引

見即行坐補 嘉慶六年八月奉

上諭朕閱各旗帶領引見外省正陪官員摺內均書放

以擬正擬陪者記名似此人等帶領引見時朕僅視其人可以者補放儘原定擬陪之人果勝於擬正者朕即以擬陪者補放擬正者記名亦未嘗不可惟覽正藍旗滿洲帶領引見外省官員摺內屢經繕稱有幾缺請放幾人餘請記名並未敢擅寫放以擬正之人擬陪者記名之語纔是將此傳諭八旗各部院衙門此後凡遇應奏帶領引見外省正陪官員摺內均照正藍旗滿洲所奏如有幾缺即寫請放幾人餘者應否記名之處請旨毋許摺內擅寫放以擬正者擬陪者記名特諭欽此

牛羊羣紙張筆墨

張家口外游牧處三旗牛羊羣達里崗崖羊羣每年需用棉榜紙共九百十五張據該總管咨文呈明移咨戶部領給每年需用筆九十枝墨一斤據該總管咨文呈明移付廣儲司領給